

Sakspapir

Saksbehandler	Arkiv	ArkivsakID
Lin Tove Thomassen	FE-033	23/192

Saksnr	Utvalg	Type	Dato
030/2023	Kommunestyret	PS	15.06.2023

Orienteringssaker

Forslag til vedtak:

Sakene vert tekne til orientering

Modalen kommunestyre tek sakene til orientering.

Modalen kommunestyre vel kommunestyrerepresentant Marit Kristin Nygard Nese, Samlingslista, til kandidat som styremedlem i Modalen Næringsbygg(MNB). Endeleg val vert gjort i komande Generalforsamling i MNB, onsdag 21.juni 2023

Saksopplysningar:

Kommunestyret - 030/2023

KS - behandling:

Ordførar orienterte om desse sakene:

- Fylkesveg 569

Det er planlagt synfaring med Vestland fylke på fylkesveg 569. Hovudfokuset vert på rassikring. Regional transportplan er under handsaming i Vestland fylket, og punktutbetring for fylkesveg 569 er tatt inn i planen. Dersom planen går igjennom i Fylkestinget, er dette arbeidet planlagt starta opp hausten 2023.

- Olav Nygard og 100års markering

I 2024 er det hundre år sidan Olav Nygard gjekk bort. Det er sett ned ein arbeidsgruppe for å planlegge for å feire Nygard sitt liv og arbeid. Olav Nygard vert ansett som ein nasjonal skatt i litteraturen. Det vert jobba med prosjekt utanfor kommunen også knytt til 100års markeringa.

- TV-aksjon 2023

Innsamlinga for årets aksjon skal gå til Redd Barna og midlane skal nyttast til Redd Barnas arbeid for å hjelpe krigsrammede barn i Norge og rundt om i verden. Ordførar planlegg å markere aksjonen med eit lokalt initiativ, tilsvarande gåturen i fjor haust. Modalen kommune gir 25000 kr til aksjonen.

- Skyss

Det har vore møte mellom Vaksdal, Modalen og Skyss om bussanbodet og rammene for serviceskyss og Trygt Heim. Det er under planlegging nytt bestillingstilbod og kartleggingar av moglegheitsrom for elektrifisering og materiell/busstypar. Forslaget for Serviceskyss er mellom Øvre Helland og Mo sentrum, og skal vere på dagtid. Forslaget for Trygt Heim er same strekning, på kveldstid knytt til helg. Det årlege brevet om innspel til ruteendring kjem som vanleg ved årsskiftet, og der kan innspel til t.d. korrespondanse rettast.

Tidspunkt og dag kan tilpassast etter behov. Dersom kommunen treng meir enn ein avgang i veka, kan kommunen dekke dette og Skyss forhandlar priser. Det er ønskjeleg at ungdomsrådet og råd for eldre og mnf får høve til å gje innspel til behov. Det kan vere nyttig at ungdomsrådet har dialog med ungdomsråda i Vaksdal og evt. Alver mtp. ungdomstilbod der. Frist for innspel inn til Vestland fylket er i juni.

- Generalforsamling i Modalen Næringsbygg AS

Det er meldt at styremedlem Anne Britt Almelid ikkje stiller til attval, og Modalen kommune kan fremme forslag til styremedlem gjennom eigarrepresentant inn i Generalforsamlinga. Forslag frå eigarrepresentant er kommunerepresentant Marit K. N. Nese som forslag som styremedlem i styret for Modalen Næringsbygg AS.

Spørsmål frå Sigrunn Almelid Birkeland:

- Audiopedagogisk tilbod; meir informasjon om eigarstruktur

- Tilbod om syn- og hørsel; aldersgrense 70 år? Behov og kompetanse lokalt for å følgje opp dette tilbodet

Rådmann orienterte om desse sakene:

- Forvaltningrevisjon om oppfølging av politiske vedtak

Det vil kome påminning om spørjeundersøkinga blant politikarane, der både faste og vara er oppmoda til å svare.

- Busetting av flyktningar

Det er kome anmoding om å busette 5 fleire flyktningar i 2023 enn opprinneleg anmoda, grunna auka prognose frå IMDi. Administrasjonen vil førebu politisk sak etter sommaren, og ein kartleggar fortløpande kapasitet for bustader.

- Bekymringsmeldingar

Det vart meldt om avvik i Visma familia knytt til mottak av bekymringsmeldingar i fleire kommunar. Det vart raskt undersøkt og avklart at det ikkje har vore avvik knytt til Modalen kommune og Sørfjorden barnevernsteneste.

- Status investeringsprosjekt takoverbygg Mo skule

Teknisk sjef orienterte kort om status for investeringsprosjekt takoverbygg ved Mo skule. Det er skissert eit takoverbygg på ca. 90m2, med fleksibel bruk.

Samrøystes vedteke

KS - vedtak:

Modalen kommunestyre tek sakene til orientering.

Modalen kommunestyre vel kommunestyrerepresentant Marit Kristin Nygard Nese, Samlingslista, til kandidat som styremedlem i Modalen Næringsbygg(MNB). Endeleg val vert gjort i komande Generalforsamling i MNB, onsdag 21.juni 2023.